

女科準繩

胎前

血中

胎動不安 胎上逼心 諸痛  
脹滿腫滿 中惡 中風  
煩吐衄咳唾血

特別  
79  
2444  
14





明  
武  
卷 244  
11

篤三胎動不安

大全妊娠胎動不安者由衝任經虛受胎不實也亦有飲酒房室過度損動不安者有候擊觸而胎動者有喜怒氣宇不舒傷於心肝觸動血脉者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其母自愈當以母形色察之若面赤舌青兒死母活面青舌赤口中沫出母死子活若唇口青兩邊沫出者子死

薛前證胎氣鬱滯者用紫蘇飲脾氣虛弱  
六君子湯加蘇枳鬱結傷脾者歸脾湯加柴枳鬱



胎動不安

六君子湯

三十一



不固孕湯

傷肝脾者四七湯加芎歸怒動肝火者加味小柴湯若胎已死急用平胃散加朴硝腐化之

地黃

川芎

黃芩各五分

歸身尾

人參

白芍藥

陳皮各壹錢

白朮壹錢半

甘草叁錢

黃檗少許

桑上羊食藤圓者米葉糯米拾肆粒

右咬咀水煎服

金匱婦人妊娠宜常服當歸散主之

當歸散方

當歸

黃芩

芍藥

芎藭各肆兩

白朮半斤

右五味杵為散酒飲服方寸匕日再服妊娠常服

即易產胎無苦疾產後百病悉主之

妊娠養胎白朮散主之

白朮散方

白朮

芎藭各壹兩

蜀椒柒錢半去汗

牡蠣半兩

右四味杵為散酒服壹錢七日三服夜一服但苦痛加芍藥心下毒痛倍加芎藭心煩痛吐不能飲



或動 或痛 者安 之

食加細辛壹兩半夏大者貳拾枚服之後更以醋漿水服之若嘔以醋漿水服之復不解者小麥汁飲之已後渴者大麥粥服之病雖愈服之勿置集驗方療妊娠二三月上至八九月胎動不安腹痛已有所見方

艾葉

阿膠

當歸

川芎 各叁兩

甘艸 壹兩

右細切以水捌升煮取叁升去滓內膠令烊分三服日三 千金文仲備急同

四物湯加熟艾阿膠茯苓治一切胎動不安

安胎當歸湯 治妊娠五月舉動驚愕胎動不安下

在小腹痛引腰脇小便疼下血 見前逐月養胎

阿膠散 治妊娠或因頓仆胎動不安腰痛腹滿或

有所下或胎上搶心

熟地黃 貳兩

白芍藥

艾葉

當歸

甘草

阿膠

黃芪 各壹兩 一方有川芎

右咬咀每服半兩薑叁片棗壹枚水同煎

又方 治妊娠胎動不安心神虛煩腹內痛

阿膠 杵碎炒

人參

川芎 已上各壹兩



白茯苓

麥門冬去心

柴胡去苗已上各柴錢半

甘草炙

當歸剉炒

黃芩各半兩

右件為末每服肆錢以水壹中盞生薑半分棗叁枚同煎陸分去滓熱服

立効散 治婦人胎動不安如重物所墜冷如水

川芎

當歸各等分

右為麤末秤叁錢水煎食前溫服

產寶治妊娠無故胎動不安腹內絞痛煩悶

當歸

桑寄生各壹兩 川芎柴錢半

鼓捌合

阿膠伍錢

蔥拾肆莖

右以水貳升煮取捌合下膠烱溫分貳服空心服

一方無鼓用銀噐煎集驗無寄生鼓有續斷柴錢

半銀多少先煎後入藥

養生必用治胎動方 救急療胎動去血腰腹痛

阿膠

川芎

當歸

青竹茹各貳錢

右以水拾盞內銀壹斤煮至伍錢去銀入上件藥

三味煮至貳錢半去滓入膠再煎膠烱分溫三服

空心自早至暮盡未効再作

寄生湯 治胎氣常不安及五箇月已後胎不安



桑寄生

洗剉

秦苑

阿膠

各半兩

糯米粉

半兩

右以新汲水參升先下寄生秦苑貳味煮至貳升去滓次入阿膠糯米再煮約壹升止分三服空心食前日午服之忌酒醋三五日妊婦胎氣至五月已後常不安者服之必效頃見妊婦好飲酒食鹹酸五辛胎必動不可不知

黃耆湯

治胎動不安腹痛下黃汁

糯米

壹合

黃耆

川芎

各壹兩

右細剉水貳大盞煎至壹盞參分溫服

順氣飲子

產前服之安胎

紫蘇葉

木香

炮

人參

草豆蔻

茯苓

各壹兩

甘草

半兩

大腹子

壹兩如氣弱者不用

右咬咀每服參錢水壹盞葶苓根參寸糯米少許煎至柒分去滓溫服

安胎寄生湯

仲文

療血流下方

桑寄生

白朮

各壹兩貳錢半

茯苓

壹兩

甘草

貳兩半

右切以水伍升煮取貳升半分三服若人壯者可

胎前胎動不安



加芍藥貳兩足水貳升若胎不安腹痛端然有所見加乾薑壹兩卽安忌海藻菘菜酢物桃李雀肉等

秦芎湯指迷治胎動不安

秦芎

阿膠炒

艾葉

右等分爲麤末每服伍錢水貳盞糯米百粒煎至壹盞去滓温服

小品止痛湯 療妊娠重下痛引腰背安胎

當歸

阿膠炙

乾地黄

黃連

芍藥各壹兩

雞子壹枚

秫米壹升

右柒味以水柒升攪雞子令相得煮秫米令如蟹目沸去滓內諸藥煮取叁升分四服忌蕪荑經心

錄同

黃芩湯 治婦人胎孕不安

黃芩

白朮各半兩

當歸貳錢

右作一服水貳鍾煎至壹鍾不拘時服

釣藤湯 治妊娠八九月胎動不安心腹疼痛面目

青冷汗出氣欲絕此由勞動用力傷胎宮宜急治

之



釣藤鈎

當歸

茯神

人參 各壹兩

苦梗 壹兩半

桑寄生 半兩

右為粗末每服伍大錢水貳盞煎至壹盞去滓溫服無時候忌猪肉菘菜若煩熱加石膏貳兩半臨產月加桂心壹

剛繁療婦人懷妊胎動不安葱豉安胎方

香豉 壹升熬

蔥白 壹升

阿膠 貳兩炙

先以水參升者葱豉取壹升去滓入膠再煎令烊服一日一夜可服三四劑經心錄同

始妊娠胎動不安護胎法

鯉魚 貳斤

粳米 壹升

葱 壹握

豉

薑

右作臠食之每月一度

安胎織單散

白藥子 壹兩

白芷 半兩

右為細末每服貳錢煎紫蘇湯調下或胎熱心煩悶入砂糖少許煎

銀苧酒 治妊娠胎動欲墮腹痛不可忍方

苧根 貳兩剉

銀 伍兩

清酒 壹棧

右以水貳大棧煎至壹大棧去滓分溫二服



治胎動不安

用好銀煮取水著葱油作羹食之佳

又方 川芎貳兩 葱白壹升 右以水柒升煮取貳升 半分温三服

療妊娠後不轉動方

阿膠炙壹兩 桑寄生半兩

右為末以酒壹升煮五沸下生雞卵壹枚酒中分

温貳服空心食前小品方無寄生有艾葉只用水煎

肘後治胎動不安取葶根如足大指者壹尺咬咀以水伍升煮取叁升去滓服一方有生薑伍片丹溪云葶根大能補陰而行

血滯

縮砂散 治胎動不安墮在須臾者神效方見毒物傷胎

又方 川芎貳兩 蔥白伍兩 水叁碗煮貳碗半分三服

治妊娠因失所動困絕方取竹瀝飲壹升立愈

鯉魚臙方 治妊娠胎動不安心腹刺痛

鯉魚壹斤修事淨細切 阿膠壹兩杵碎炒黃燥 糯米貳合

右件以水貳升入魚膠米煮令熟入葱白生薑橘皮鹽少許更煮伍柒沸食前喫如有所傷且喫五

七日効

治妊娠胎動煩悶不安甚方

胎前胎動不安

八十一



取生地黃杵絞汁每服壹小盞煎令沸入雞子白壹枚攪令勻頓服

治妊娠胎動晝夜叫呼口噤唇塞及下重痢不息方

艾葉

伍兩

右以好酒伍升同煮取肆升去滓更

煎取壹升服口閉者開口灌之藥下卽瘥

胎上逼心

卽子懸

薛胎上逼心之證若氣逆胎上用紫蘇飲飲食不甘兼以四君子若內熱晡熱兼以逍遙散若胃火所致用四君黃芩枳殼柴梔若脾鬱所致用歸脾湯加柴梔枳殼一妊婦每因恚怒其胎上逼左關脉弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥一妊婦胎上逼胸滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥程文彬治孕婦七個月胸膈飽悶氣喘忽吐



出一物如小腸寸許舉家驚疑其胎爛程至診得寸口脉洪滑知其氣盛血少胎氣湊上中焦畜有濕熱濕生痰知所吐之物乃痰結聚病名子懸以紫蘇飲加芩連貝母十劑獲痊

本事方紫蘇飲 治妊娠胎氣不和懷胎近上脹滿疼痛謂之子懸兼治臨產驚恐氣結連日不下方

無芎名七寶散

紫蘇莖葉

壹兩

大腹皮

人參

川芎

陳皮

白芍藥

各半兩

當歸

柒錢半

甘草

貳錢半

右細剉分作三服每服用水壹盞半生薑肆片蔥白柒寸煎至柒分去查空心服

曾有一婦累日產不下服遍催生藥不驗予曰此必坐草太早心懷一點懼氣結而不行然非不順也素問云恐則氣下蓋恐則精神怯怯則上焦閉閉則氣還還則下焦脹氣乃不行矣得此藥一服便產及婦人六七月子懸者予用此數數有驗不十服胎便近下 陳良甫治一婦有孕七個月遠歸忽然胎上衝心而痛坐卧不安兩醫治之無效遂說胎已死矣用草麻子研爛加麝香調貼臍中



以下之命在垂亡召陳診視兩尺脉絕他脉平和  
陳問二醫作何證治之荅曰死胎也陳曰何以知  
之曰兩尺脉沉絕以此知之陳曰此說出何經二  
醫無荅陳曰此子懸也若是胎死却有辨處面赤  
舌青子死母活面青舌赤吐沫母死子活唇口俱  
青母子俱死今面不赤口不青其子未死是胎上  
逼心宜以紫蘇飲子治之至十服而胎近下矣  
當歸湯 治妊娠胎動盪心悶絕煩躁口乾橫生倒  
產上衝下築迷悶唇口青黑手足厥冷產科名保  
安散一方無甘草有川芎厚朴產寶方有川芎

當歸

阿膠

甘草

人參 各壹兩半

連根蔥白 壹握

右細剉水貳升煎四味至升半去滓下蔥再煎減  
參合溫服一劑分為二三服

大聖散 治妊娠忪悸睡夢多驚心腹脹滿連膈急  
痛胎上逼 見驚悸

治胎上逼心煩悶方又治妊娠六七月以後胎動困  
篤用蔥白二七莖濃煮汁飲之若胎未死即安已死  
即出未效再服 婁全善云此方神妙脉浮滑者宜之本草云蔥白通陽氣安胎

秘錄治胎動上逼心痛取艾葉如雞子大以頭醋四



升煎取二升分温服 又治胎上逼心熱痛下血神  
麩半斤搗碎和熟水絞取汁三鍾無時温服止  
治妊娠遍身痛或衝心欲死不能飲食

白朮 伍兩

黃芩 貳兩

芍藥 肆兩

右水陸升煮取貳升半分作三服緣胎有水致痛  
兼易產

又仲葛氏療妊娠卒胎上迫心痛方 取弩弦急帶  
之立愈

胎艾湯 見血崩

保生丸 大法

妊娠經來 漏胎下血

脉經婦人經月下但為微少師脉之反言有軀其後  
審然其脉何類何以別之師曰寸口脉陰陽俱平榮  
衛調和按之滑浮之則輕陽明少陰各如經法身反  
灑漸不欲食飲頭痛心亂嘔噦欲吐呼則微數吸則  
不驚陽多氣溢陰滑氣盛滑則多實六經養成所以  
月見陰見陽精汁凝胞散散者損障設復陽盛雙妊  
二胎今陽不足故令激經也 滑脉主血有餘今  
經又少故知孕也 大  
抵妊娠經來不多而飲食精神如故六脉和緩滑大  
無病者血盛有餘也兒大能飲自不來矣



大全夫妊娠漏胎者謂妊娠數月而經水時下也此由衝任脉虛不能約制乎太陽少陰之經血故也衝任之脉爲經絡之海起於胞内乎太陽小腸脉也手少陰心脉也是二經爲表裏上爲乳汁下爲月水有娠之人經水所以斷者壅之養胎蓄之以爲乳汁也衝任氣虛則胞内泄不能制其經血故月水時下亦名胞漏血盡則人斃矣又有因勞役喜怒哀樂不節飲食生冷觸冒風寒遂致胎動若母有宿疾子藏爲風冷所乘氣血失度使胎不安故令下血也 曾有以娠婦月信不絕而胎不損問產科熊宗古荅曰婦人血盛氣衰其人必肥既娠之後月信當來而胎不動若據晚進觀之便以爲漏胎若作漏胎治之則胎必墮若不作漏胎治則其胎未必墮今推宗古之言誠有旨也巢氏云婦人經閉不利別無所苦者是謂有子以其經血畜之以養胎擁之爲乳汁也有子之後畜以養胎矣豈可復能散動耶所以然者有妊而月信每至是亦未必因血盛也若謂婦人榮經有風則經血喜動以其風勝則可也既榮經爲風所勝則所來者非養胎之血以此辨之若作漏胎治之必服保養補胎之藥且胎不損強以藥滋之乃所謂實實



虛虛也其胎終墮宜矣若醫者知榮經有風之理專以一藥治風經信可止或不服藥胎亦無恙然而有胎本不固而因房室不節先漏而後墮者須作漏胎治之此又不可不審也

血熱 薛前證若因風熱用防風黃芩丸若因血熱

用加味道遙散若因血虛用二黃散若因血去太多用八珍湯未應補中益氣湯若因肝火用柴胡山梔

散若因脾火用加味歸脾湯若因事下血作痛用八珍湯加阿膠熟艾若因脾胃虛弱用補中益氣湯加

天麻子若因脾胃虛陷用前湯倍用升麻柴胡若晡熱內熱宜道遙散 妊娠卒然下血若因怒氣用小

柴胡湯若因風熱用一味防風丸若因血熱用一味子芩丸若因脾氣虛弱用六君子湯若因中氣下陷

用補中益氣若氣血盛而下血者乃因兒小飲少也 不必服藥 一妊婦下血服涼血之藥下血益甚食

少體倦此脾氣虛而不能攝血余用補中益氣湯而愈後因怒而寒熱其血仍下此肝火旺而血沸騰用

加味道遙散血止用補中益氣湯而安 一妊婦下血發熱作渴食少體倦屬脾氣虛而肝火所侮用四

君子加柴胡山梔血止因怒復作用六君子加柴胡山



痛脇脹腹疼作嘔少食余謂寒熱頭痛乃肝火上衝  
脇脹腹痛乃肝氣不行作嘔少食乃肝侮脾胃小便  
下血乃肝火血熱用小柴胡加芍藥炒黑山梔茯苓  
白朮而愈 一妊娠六月體倦食少勞役下血用六  
君加當歸熟地黃柴胡升麻而愈 江應宿治王祠  
部安人孕三月腰腹通痛漏下不止氣湧脹悶速江  
診視六脉弦數平昔脉極沉細此必怒動肝火挾相  
火而生內熱喜脉不滑未至離經猶可保也以條芩  
白朮枳殼香附茯苓阿膠白芍當歸陳皮煎調鹿角

補虛

煨酒淬細末一錢更進抑青丸一服痛已數劑平復  
仲景云婦人有漏下者有半產後因續下血都不絕  
者有妊娠下血者假令妊娠腹中痛為胞阻芎歸膠

艾湯主之 方見血崩

大全方治妊娠三四月腹痛時時下血

續斷 貳兩 艾葉 當歸

乾地黄 各陸兩 竹茹 阿膠

雞蘇 各壹兩

水壹升煎取陸合空心再服

廣濟安胎胎病漏血腹痛

胎前經來胎漏

二



當歸

川芎

阿膠炙

人參各壹兩

大棗貳拾箇

右切以水參升酒肆升煮貳升半分三服五日一

劑頻服三四劑無妨

濟生如聖湯 治胎動腹痛或為漏胎

鯉魚皮

當歸酒浸

熟地黃酒蒸

白芍藥

阿膠蚌粉炒

川芎

續斷酒浸

甘草炙各等分

一方有乾薑竹茹

右以咀每服肆錢水壹盞葶根心許薑伍片煎溫

服濟生有續斷無乾薑竹茹

桑寄生散 治胎漏經血妄行淋瀝不已

桑寄生

當歸去蘆酒浸

川芎

川續斷酒浸

阿膠蛤粉炒

香附子炒去毛

茯神去木

白朮各壹錢

人參

甘草炙各半錢

右作一服水貳鍾生薑伍片煎至壹鍾不拘時服

鄭氏人參散 治漏胎敗血湊心日漸胎乾子母危

困

人參

黃芪炙

阿膠炒各伍錢

竹茹

木香

炙甘草



胎前 婦科 卷四

附子炮各半錢 川芎 陳皮

苧根各貳錢半 生薑叁錢炮黑

右咬咀每肆錢糯米三七粒水煎熱服忌生冷雞

鴨魚麵

梅師治胎動下血心腹疼痛死生不知服此湯活即安

死即下即催生佛手散方見胎產大法即川芎當歸等分為散也

妊娠無故卒下血不止取阿膠參兩炙搗末酒壹升

半煎令消一服愈

羅氏立聖散 治妊娠下血不止

鷄肝參個用酒壹升煮熟共食之大効

二黃散 治胎漏

生地黃 熟地黃等分 水參壹斤煎半乾去滓服

血 治胎漏下血 阿膠貳兩搗末生地黃半斤搗取汁以清

酒參升絞汁分參服

治胎漏下血不止胎乾即死宜急治之

生地黃汁壹升 陳酒伍合

右同煎參伍沸溫參服以止為度

地黃湯 治經血妄行及鼻衄不止

生地黃酒搗取汁半兩 薄荷叁錢 甘草壹錢

右二味為末新汲水合地黃汁調食後服

治之 經下血 帶漏 卷四



續易簡治漏血

用野苧根家種亦可 金銀各壹兩 為一劑酒水平

煎耗半温服若閃擲胎動欲漏砂仁皮炒令熟透

為末錢酒或鹽湯下

清熱

保命枳殼湯

治婦人胎漏下血及因事下血

枳殼

黃芩各半兩

白朮壹兩

右為麤末每服柒錢水壹盞煎柒分食前服

子芩丸 治肝經有熱妄行下血細條黃芩炒為末

每服壹錢以秤錘燒赤焯酒熱調服若脾胃虛不

宜用

疎風

防風丸

治肝經有風以致血得風而流散不歸經

用防風為末每服壹錢白湯調服

防風黃芩丸

治肝經有風熱致血崩便血尿血用

條芩炒焦防風等分為末酒糊丸桐子大每服叁

伍拾丸食遠或食前米飲或温酒送下

疎血

仲景云婦人宿有癥病經斷未及三月而得漏下不

止胎動在臍上者為癥痼害

妊娠六月動者前三

月經水利時胎下血者後斷三月不血也所以血不

止者其癥不去故也當下其癥桂枝茯苓丸主之

桂枝茯苓丸方

台 胎前經來胎毒

六 十日

九



桂枝

茯苓

牡丹

去心

桃仁

去皮  
尖熬

芍藥

各等分

右五味末之煉蜜和丸如兔屎大每日食前服壹丸不知加至叁丸

治胎下血不止取桃樹上乾不落桃子燒灰和水服

瘥

本草云桃奴破血  
又治伏梁積氣

榆白皮散 治妊孕胎漏去血恐其難產常宜服之

榆白皮

葵根

瞿麥

各貳錢

大麻仁

去殼

木通

各壹錢

牛膝

去蘆酒浸  
焙壹錢半

右作一服水貳鍾煎至壹鍾不拘時服

胎漏黃汁下或如豆汁

薛前證肝脾濕熱用升陽除濕湯崩血肝脾風熱用加

味道遙散肝脾鬱怒用加味歸脾湯脾胃氣虛用錢

氏白朮散若脾氣下陷用補中益氣湯肝經風熱用

防風黃芩丸風入腸胃用胃風湯 一妊婦因怒胸

膈不利飲食少思服消導順氣之劑脾胃愈弱飲食

愈少大便不實且無度久而便黃水或帶白視其面

色黃中隱白余曰黃色脾虛也白色肺虛也朝以補

中益氣湯升補胃氣夕以六君子培補脾氣而愈

大全方治妊娠怒然下黃汁如膠或如豆汁胎動腹



痛

粳米 伍合

黃芪 陸兩

右以水柒升煎取貳升分為四服

銀芎酒

見前胎動不安

又方用生艾汁貳瓊阿膠白蜜

各壹兩

煎至柒分溫服

如無生艾煎乾艾濃汁亦可

一方加竹茹 一

方用酒不用蜜

脉經云婦人懷軀六月七月暴下斗餘水其胎必倚而墮此非時孤漿預下故也 胎漏徐徐下水今暴下而多故知墮胎也

跌蹠傷胎毒藥傷胎

大妊娠驚胎者乃懷妊將滿胎神已具墜仆傷胎甚至下血不醒若欲驗其子母安否當參第四論治之

薛愚按前證若因怒跌仆或手足抽搐用釣藤湯

見前若因氣滯用紫蘇飲 胎上逼心若因脾胃氣虛用六君

子加蘇梗若鬱結傷脾用歸脾湯若鬱怒傷肝脾用

四七湯 雜病氣加芎歸若去血過多用佛手散如不應

膠艾湯氣血虛八珍湯加膠艾

催生神妙佛手散 治婦人妊娠五七月因事築壻

着胎或子死腹中惡露下疼痛不巳口噤欲絕用

跌蹠傷者 養新



此藥探之若不損則痛止子母俱安若胎損立便  
逐下本出徐文仲神驗胎動方云治血上衝心腹  
滿悶者如湯沃雪又治產前產後體熱敗血腹痛  
又名芎藭湯

當歸

陸兩

川芎

肆兩○張氏方等分

右為粗末每服參錢水壹大盞煎令泣泣欲乾投  
酒壹大盞止煎壹沸去滓溫服口噤灌之如人行  
五里再服不過三五服便生一方云此藥治傷胎  
去血多崩中去血多金瘡去血多拔牙去血多昏  
暈欲倒者以水煎服或先以漏血腹內疼痛加芍

藥官桂減半隨手効

餘詳胎產大法

治妊娠忽因倒地或擊重作勞促損腹中疼痛腫重  
及子死腹中不出三服立下

川芎

壹兩

右為細末以熱酒調服方寸匕日三四服

按川芎上竄散氣有服之暴亡者若診其脉舉之  
有按之無者忌服

治妊娠從高墜下腹痛下血煩悶

生地黃

益母草

各壹兩

當歸

黃芪

各半兩



右咬咀每服肆錢水壹盞薑肆片煎至陸分去滓無時候

集驗療妊娠二三月上至七八月頓仆失跌胎動不安傷損腰腹痛欲死若有所見及胎奔上搶心短氣下血不止方

乾地黄

當歸

艾葉

各貳兩

阿膠

川芎

各叁兩

右以水柒升煮取貳升半分作三服腹痛甚加杜仲五加皮各叁兩一方無地黄有甘草一方無地黄却用生薑自然汁壹匙地黄汁半合馬通半

合煎成藥去滓入此再煎三沸溫服 一方有人參白茯苓水煎

丹婦人因閃挫傷胎肚疼血崩

歸尾

陳皮

白朮

人參

茯苓

白芍藥

川芎

各叁錢

甘草

炙伍分

右咬咀分四貼水叁盞煎取壹盞下縮砂末壹錢伍分炒黑五靈脂壹錢

竹茹酒 治妊娠誤有失墜損血胎損疼痛

青竹茹

貳合

好酒

壹升



右煮三五沸分作三服即安

秦芫湯 療妊娠或因僵仆胎動不安臍腹疔痛

胎動不安

治妊娠偶有所傷胎動不安疼痛不可忍兼治崩血

又兼治子冒又名子癩

縮砂多不以和皮炒令黑色一方用仁熨斗內略

炒為細末熱酒調下貳錢不飲酒者以米飲調下

皆可覺腹中熱則胎已安矣此方神効予常用之

有驗

補遺安胎散 治卒然腰痛下血不已

熟地黃 艾葉 白芍藥

川芎 黃芪 阿膠炒

當歸 甘草 地榆各等分

右咬咀每肆錢薑伍片棗壹枚煎溫服

薛若因毒藥用甘草黑豆淡竹葉若因頓仆用阿膠

散未應煎送知母丸若因頓仆下血腹痛用佛手散

未應用八珍送知母丸血出過多用八珍湯斤許益

母草四兩水煎徐徐與服若胎死以朴硝或平胃散

下之

捷徑方 治用毒藥攻胎藥毒衝心外證牙關緊急

毒藥 傷者 和中

治前 傷胎 女科日 七二六



口不能言兩手強直握拳頭低自汗身微熱外證  
與中風相似但其脉浮而軟十死一生醫多不識  
若作中風治之必死無疑用白扁豆貳兩生去皮  
為末新汲水調下即効

阿膠散 治妊娠不問月數深淺或因頓仆或因毒

藥胎動不安腰痛腹滿或有所下或胎上搶心短

氣乏力

方見前胎動不安

妊娠誤服諸藥毒致胎動不安治之方

甘草 黑豆 淡竹葉 等分 濃煎汁飲之

奪命丸 治婦人小產下血至多子死腹中其人憎

寒手指唇口爪甲青白面色黃黑胎上搶心則悶

絕欲死冷汗自出喘滿不食或食毒物或誤服艸

藥傷動胎氣下血不止胎尚未損服之可安已死

服之可下若胎腐爛腹中危甚者立可取出此方

的係異人傳授至妙

此自仲景茯苓桂枝丸但用淡醋湯嚼下不同耳方即牡

丹皮茯苓桂枝桃仁赤芍藥等分是也丹溪亦稱妙



心痛

大妊娠心痛乃風邪痰飲交結若傷心正經爲真心痛朝發夕死夕發旦死若傷心支絡則乍安乍作若傷於子藏則胎動而血下 薛前證若飲食所傷用平胃散加枳殼山查若因錯雜諸邪當審其因而治之 一妊婦心痛煩熱作渴用白朮散卽愈後因停食其痛仍作胸腹膨滿按之則痛此因飲食停滯用人參養胃湯按之不痛乃脾胃受傷以六君子補之而愈 一妊婦心腹作痛胸脇作脹吞酸不食此肝脾氣滯用二陳山查山梔青皮木香而愈又因怒仍



痛胎動不食面色青黃肝脉弦緊脾脉弦長此肝木  
乘土用六君子湯加升麻柴胡木香而愈  
火龍散 治妊娠心氣疼

川棟子

茴香炒各  
叁錢

艾葉末鹽炒壹  
錢半

右作一服水貳鍾煎至壹鍾不拘時服

產寶治妊娠卒心痛氣欲絕方

川芎

當歸

茯苓

厚朴製各壹分

右水陸升煎取貳升分二服

白朮湯 治妊娠卒心痛欲死不可忍者出古今  
錄驗

白朮叁兩

赤芍藥貳兩

黃芩壹兩半

右切以水陸升煮取貳升半分叁服半日令盡微  
下水令易生忌桃李雀肉等

千金療妊娠心痛

青竹茹壹升

羊脂捌兩

白蜜叁兩

右三味合煎每服棗核大叁枚食前頓服日三服

又方 青竹茹壹升酒貳升煮取壹升半去滓分温

頓服

又方 破雞子壹枚酒調服之

又方 大麻子叁升研水捌升煮取伍升分五服



又方

橘皮

參兩

豆豉

伍兩

為細末煉蜜為丸如桐

子大溫水下貳柒丸無時候

四

並出  
祕要

補遺沉香降氣湯

茯苓補心湯

四七湯

紫蘇

飲皆可用

雷公炮炙論云心痛欲死急

延胡

### 心腹痛

大夫妊娠心腹痛者或由宿有冷疼或新觸風寒皆由臟虛而致發動也邪正相擊而并於氣隨氣上下衝於心則心痛下攻於腹則腹痛故令心腹痛也妊娠而痛者邪正二氣交攻於內若不時差者其痛衝擊胞絡必致動胎甚則傷墮也又云妊娠心腹疼痛多是風寒溫冷痰飲與藏氣相擊故令腹痛攻傷不已則致胎動也

薛前證若風寒痰飲用金沸草散  
雜病胎氣鬱結加香附川芎若飲食停滯用六君加紫蘇枳殼若怒動肝火前藥更加柴胡山梔若鬱



結傷脾用歸脾湯雜病健忘加枳殼山梔 一妊婦心腹

作痛吐痰惡心胎氣上攻飲食少思此脾虛氣滯而

為痰用六君子加柴胡枳殼諸證漸退飲食漸進又

用四君子加枳殼山梔桔梗而安後因怒兩脇氣脹

中脘作痛惡寒嘔吐用六君加柴胡升麻木香一劑

而愈

當歸芍藥散 治妊娠腹中絞痛心下急痛及療產

後血暈目虛氣乏崩中久痢常服通暢血脈不生

癰癤消痰養腎明目益津

白芍藥半斤

當歸

茯苓

白朮

各肆兩

澤瀉

川芎

各貳兩一方芎只兩半

右為細末每服貳錢食前溫酒調服 元和紀用

經名為六氣經緯丸云能祛風補勞養真陽退邪

熱緩中安和神志潤澤容色散寒邪溫瘴時氣安

期先生賜李少君久餌之藥後仲景增減為婦人

懷妊腹痛方本方用芍藥肆兩澤瀉茯苓川芎各

壹兩當歸白朮各貳兩亦可以蜜丸服出三因方

阿膠散 治妊娠胎動腹中疴痛不思飲食

甘草

貳錢半

白茯苓

白朮

川芎

阿膠

各柒錢半

當歸

炒



陳皮 各壹兩

右咬咀每服參錢水壹盞薑參片棗壹枚煎至柒分服

療妊娠患腹痛并胎動不安

蔥白 切壹升

人參

厚朴

阿膠

川芎 各貳兩

當歸 參兩

右咬咀以水柒升煎取參升分三服 一方有甘

草無厚朴川芎

療妊娠先患冷氣忽中心腹痛如刀芎歸湯

川芎

人參

茯苓

吳茱萸

苦梗

當歸 各參

厚朴 製

芍藥 各貳兩

右咬咀以水玖升煎取參升分三服氣下即安

草豆蔻散 治妊娠心腹常痛喫食減少四肢不和

全不入食

草果仁 想是草

陳橘皮

乾地黄

白朮 各壹兩

川芎 米錢半

當歸 炒

桂心

乾薑

木香 各半兩

右為細末每服肆錢水壹盞棗貳枚煎陸分熱服

古今錄驗療妊娠腹內冷痛忽胎動



薤白 壹升

當歸 切肆兩

右以水伍升煮取貳升作三服亦將小便服將去一炊頃去

千金療妊娠腹中痛方 生地黄 貳斤 取汁酒壹升

合煎減半頓服愈

治妊娠胎動欲落腹中痛不可忍

上等銀 壹斤

茅根 貳斤去黑皮

以水玖升煮銀取

伍升入清酒壹升同煎茅根取叁升分三服立安

治妊娠四五月忽心腹絞痛

大紅棗 拾肆枚

燒存性為末童子小便調下

治妊娠心腹痛不可忍方

鹽 壹斤

燒令赤以兩指取一撮酒調服

香茂散 治妊娠五个月已後常胸腹間氣刺滿痛

或腸鳴以至嘔逆減食此由喜怒憂慮過度飲食

失節之所致也 蔡元度寵人有子夫人怒欲逐

之遂病醫官王師復處此方三服而愈

廣中莪茂 壹兩

丁香 半兩

粉草 貳錢半

右為細末空心鹽湯點服壹大錢覺胸中如物按

下之狀愈

補遺手拈散

四七湯加歸芍

四磨湯

小烏沉



湯 安胎飲除地榆

已上諸方皆可選用

腹痛

仲婦人懷胎腹中諸疾痛當歸芍藥散主之 見前心

潔地黃當歸湯 治婦人有孕胎痛

當歸 壹兩 熟地黃 貳兩

右為末作一服水參升煎至壹升半去滓頓服

仲婦人腹中痛小建中湯主之 方見傷寒腹痛

雲芩歸湯 治妊娠先患冷氣忽心腹痛如刀刺 見前

心腹

丹孫院君因近喪冒惡氣傷胎肚痛手不可近發熱口中不思食須安胎散滯氣



青皮 參錢

黃芩

芍藥 各貳錢

歸尾 壹錢半

川芎 壹錢

木香 伍分

甘草 多少許

分二貼水參盞先煮苧根兩大片至貳盞去苧根入前藥同煎至壹盞熱服

診治妊娠腹痛用生地黄參斤搗取汁酒壹升合煎減

半頓服愈

脉師曰婦人有胎腹痛其人不安若胎病不動欲知生死令人摸之如覆杯者則男如肘頸參差起者女也冷在何面冷者為死温者為生

小腹痛

大姪娠小腹痛者由胞絡虛風寒相搏痛甚亦令胎動也 薛前證若風寒所搏用紫蘇飲加生薑氣血虛用八珍湯脾氣虛用六君子湯中氣虛用補中益氣湯若腹脹痛用安胎飲加升麻白朮不應兼補中益氣湯 一妊婦小腹作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍膽瀉肝湯一劑諸證頓愈乃以四君子加柴胡升麻以培脾土而安



胎前 婦科 百五  
療妊娠被驚惱胎向下不安小腹痛連腰下血

當歸

川芎

各捌分

阿膠

炙

人參

艾葉

各肆分

大棗

貳拾个

茯苓

拾分

右細切以水肆升煮取貳升温分三服

補遺 治妊婦小腹痛胎動不安

川芎為細末酒調下

又方

川芎

當歸

各等分

水煎温服

腰腹及背痛

大腎主腰足因勞傷損動其經虛則風冷乘之則腰痛冷氣乘虛入腹則腹痛故令腰腹相引而痛其痛不止多動胎氣婦人腎以繫胞妊娠而腰痛甚者則胎墮也 薛前證若外邪所傷用獨活寄生湯雜病腰痛勞傷元氣用八珍杜仲砂仁膠艾脾腎不足以前藥加白朮補骨脂氣血鬱滯用紫蘇飲加桔梗枳殼肝火所動用小柴胡湯傷寒少加白朮枳殼山梔肝脾鬱結用歸脾湯雜病健忘加柴胡枳殼 一妊婦頸項強直腰背作痛此膀胱經風邪所致用拔萃羌活湯雜病



腰痛一劑而愈又用獨活寄生湯及八珍湯以祛邪固本而痊 石山治一婦懷妊八月嘗病腰痛不能轉側大便燥結醫用人參等補劑痛益加用硝黃通利之藥燥結雖行而痛如故汪診之脉稍洪近駛曰血熱血滯也宜用四物加木香乳沒黃檗火麻仁煎服四五貼痛稍減燥結潤復加發熱面赤或時惡寒仍用前方去乳香沒藥加柴胡黃芩服二貼而寒熱除又背心覺寒腰痛復作汪曰血已利矣可於前方加人參壹錢 又之而安 江篁南治一婦妊娠三個月因閃挫傷 腰痛小腹疼下血內有熱用當歸白朮

黃芩上熟地川芎防風砂仁中艾葉上香附下用水煎服血止小腹不痛去砂仁又用雞子黃叁個以酒攪化煮熟食之即痊

通氣散 治妊娠腰痛狀不可忍此藥神效

破故紙不以多少瓦上炒香熟為末嚼胡桃肉壹个空心溫酒下叁錢

五加皮散 治妊娠腰痛不可忍或連髀痛先服此散

杜仲肆兩炒 五加皮 阿膠炙

防風 金毛狗脊 川芎

白芍藥 細辛 萆薢各叁兩



杏仁剝核枚去尖皮麩炒 一方有白茯苓無白芍

右咬咀以水九升煮取貳升去滓下膠作三服

五加皮丸 治證同前服前散後次服此丸

續斷炒 杜仲各貳兩半 芍藥

獨活各叁兩 五加皮 狗脊

葶藶 芍藥 訶子肉各肆兩

右為細末煉蜜和丸如梧子大空心酒下肆拾丸

日三

療觸動胎以致腰痛背痛

杜仲 五加皮 當歸

芍藥 川芎 葶藶各等分

右細剉以水柒升煮取壹升半分溫三服

丹仁六嫂有胎腰痛

白朮肆錢 陳皮叁錢 黃蘗炒貳錢半

人參 條芩 川芎

地黃 當歸尾各半兩 甘草炙壹錢

右分四貼水酒煎服

療妊娠氣壅攻腰痛不可忍兼治腹痛

當歸叁兩 阿膠 甘草各貳兩

葱白壹升



右細剉以水柴升煮取參升去滓分温三服

大地黃丸 治產前後腰腹疼一切血疼兼治血氣

虛四肢不舉骨髓熱疼

熟地黃 貳兩 烏梅肉 當歸 各壹兩

右為細末煉蜜丸如彈子大每服壹丸空心白湯

嚼下

紫酒 治妊娠腰痛如折

大黑豆 貳合 炒令香熟以酒壹大盞煮取柒分去

豆空心頓服

本治胎動腰痛搶心或下血取蔥白不拘多少濃煮

汁飲之

療妊娠腰背痛反覆不得

鹿角 長六寸燒令赤酒中淬再燒再淬以角碎為度 取所淬酒飲之

方鹿角為末酒服亦可

止血 卒腰痛不安或腰痛胎轉搶心下血不止用菖蒲汁

酒壹升服之

妊娠卒胎動不安或但腰痛或胎轉搶心或下血不

止艾葉壹把如鷄子大以酒肆升煮取貳升分為

貳服良

小品芋根湯 療損動胎腰腹痛去血胎動向下方



生乾地黄

苧根 各貳兩

當歸

芍藥

阿膠

甘艸 各壹兩

右細切以水陸升煮取貳升去滓內膠煎烱分温三服忌海藻燕羹

心腹脹滿

大全夫妊娠心腹脹滿者由腹內素有寒氣致令停  
 飲妊娠重因觸冷飲發動與氣相平故令心腹脹滿  
 也薛前證若外感風寒內傷飲食用藿香正氣散  
雜病中風 若食傷脾胃用六君子湯若陽氣壅滯用紫蘇  
飲胎上通心 一妊婦飲食停滯心腹脹滿或用人參養  
 胃湯加青皮山查枳殼其脹益甚其胎上攻惡心不  
 食右關脉浮大按之則弦此脾土不足肝木所侮用  
 六君子加柴胡升麻而愈後小腹痞悶用補中益氣  
 湯升舉脾氣而瘥一妊婦腹脹小便不利吐逆諸

胎前心腹脹滿

百六



醫雜進溫胃寬氣等藥服之反吐轉加脹滿湊心驗  
之胎死已久服下死胎藥不能通因得鯉魚湯其論  
曰妊婦通身腫滿或心胸急脹名曰胎水遂去妊婦  
胸前看之胸肚不分急以鯉魚湯三五服大小便皆  
下急水腫消脹去方得分娩死胎此證蓋因懷妊腹  
大不自知覺人人皆謂妊娠孕如此終不知胎水之  
患也

倉公下氣湯 治妊娠心腹脹滿兩脇妨悶不下飲  
食四肢無力

羌活

赤芍藥

甘草

檳榔

青皮

大腹皮

陳皮

赤茯苓

半夏

桑白皮

桂心 各半兩

紫蘇莖 貳兩

呿咀每服參錢水壹盞薑伍片棗壹个煎柒分去  
滓服無時 局方分心氣飲大同小異加燈心煎  
訶黎勒散 療妊娠心腹脹滿氣衝胸膈煩悶四肢  
少力不思飲食

訶黎勒

赤茯苓

前胡 各壹兩

陳皮

大腹皮

桑白皮 各柒錢半

枳殼

川芎

白朮 各半兩



右為粗末每服肆錢水壹盞半薑叁片棗子壹个煎至柒分去滓温服無時

安胎和氣飲 治胎冷腹脹痛引兩脇小便頻數大便虛滑

訶子 麵裹煨 去核

白木 各貳錢

陳皮 去白

高良薑 炒

木香 不見火

白芍藥

陳米 炒

甘州 炙各壹錢

右作一服水貳盞生薑五片煎至壹鍾不拘時服忌食生冷之物

治妊娠心下滿氣急切痛

赤茯苓 陸分

桑白皮 伍分

前胡 肆分

郁李仁

檳榔 各叁分

右為細末以水壹升煮取一半去滓夜卧服

紫蘇飲

治妊娠心腹脹滿兩脇妨悶 見胎上逼心

枳殼湯 治婦人妊胎腹脹

枳殼 叁兩

黃芩 壹兩

為粗末每服五錢水壹盞半煎温服 如胎前腹滿身體沉重加白朮壹兩

仲景婦人懷妊六七月脉弦發熱其胎愈脹腹痛惡寒者少腹如扇所以然者子藏寒故也當以附子湯



温其藏

附子湯方

附子

貳枚炮去皮破捌片

白朮

肆兩

茯苓

芍藥

各叁兩

人參

貳兩

右五味以水捌升煮取叁升去滓温服壹升日三服

婦人傷胎懷身腹滿不得小便從腰以上重如有水氣狀懷身七月太陰當養不養此心氣實當刺瀉勞宮及關元小便微利則愈

胎水腫滿

產寶論曰夫妊娠腫滿由臟氣本弱因產重虛土不尅水血散入四肢遂致腹脹手足面目皆浮腫小便秘澀陳無擇云凡婦人宿有風寒冷濕妊娠喜脚腫俗呼為皴脚亦有通身腫滿心腹急脹名曰胎水論曰凡妊娠之人無使氣極若心靜氣和則胎氣安穩若中風寒邪氣及有所觸犯則隨邪而生病也凡妊娠經血壅閉以養胎若忽然虛腫乃胎中挾水水血相搏脾胃惡濕主身之肌肉濕漬氣弱則肌肉虛水氣流溢故令身腫滿也然其由有自或因泄瀉下



胎前 卷之四 百三十三  
痢臟腑虛滑耗損脾胃或因寒熱瘧疾煩渴引飲太過濕漬脾胃皆能使頭面或手足浮腫也然水漬於胞兒未成形則胎多損壞及其臨產日脚微腫乃胞藏水少血多水出於外故現微腫則易生也宿有寒氣因寒冷所觸故能令腹脹腫滿也 產乳集論妊娠自三月成胎之後兩足自脚面漸腫腿膝以來行步艱辛以至喘悶飲食不美似水氣狀至於脚指間有黃水出者謂之子氣直至分娩方消此由婦人素有風氣或衝任經有血風未可妄投湯藥亦恐大段甚者慮將產之際費力有不測之憂故不可不治於未產之前也古方論中少有言者按名醫錄宋少主元徽中與徐文伯徵行學鍼法文伯見一妊婦足腫不能行少主脉之此女形也文伯診之曰此男胎也在左則胎黑色少主怒欲破之文伯惻然曰臣請針之胎遂墮男形而色黑此妊娠足腫之說見於古者今巢氏病源中但有子煩之論千金并產寶方亦略言之劉禹錫續傳廣信方以爲妊婦有水氣而成胎太平聖惠亦言之皆非也元豐中淮南陳景初名醫也獨有方論治此病方名初謂之香附散李伯時易名曰天仙藤散也 薛前證若胸滿腹脹小便不通



遍身浮腫用鯉魚湯脾胃虛弱佐以四君子若面目  
虛浮肢體如水氣用全生白朮散如未應用六君子  
湯脾胃虛濕熱下部作腫用補中益氣加茯苓若飲食  
失宜嘔吐泄瀉用六君子湯若腿足發腫喘悶不安  
或指縫出水用天仙藤散脾胃虛弱兼四君子湯如  
未應用補中益氣湯若脾肺氣滯用加味歸脾湯佐  
以加味逍遙散 一妊婦每胎至五月肢體倦怠飲  
食無味先兩足腫漸至遍身後及頭面此是脾肺氣  
虛朝用補中益氣夕用六君子加蘇梗而愈凡治妊  
娠母泥月數但見其經證即用本藥為善 一妊婦  
年三十八妊娠水腫以鯉魚湯加五苓散人參濕加  
蒼朮壹錢厚朴陳皮五分蘿蔔子炒車前子滑石各  
壹錢作一貼若喘急加苦葶藶小便不利加木通燈  
草甚者車前子滑石散其濕毒自消防已治腰已下  
濕熱腫如肉傷胃弱者不可用也

天仙藤散

天仙藤

洗畧炒

香附子

炒

陳皮

甘草

烏藥

不必天台者但得軟白辛而香者良

石等分淨秤為細末每服叁錢水壹大盞薑叁片  
木瓜叁片紫蘇叁葉同煎至柒分放溫澄清空心



食前服日三服小便利氣脉通體輕腫漸消更不

須多服

元豐末王荆公居金陵舉家病以詩贈景初曰舉族貧兼病煩君藥石功到家何所寄一一問征鴻因此見方得於李伯時家傳方錄于臨川張石丞宅

產寶療妊娠身腫有水氣心腹脹滿小便少

茯苓

肆兩

杏仁

檳榔

各參兩

旋覆花

郁李仁

各壹兩

右為粗末以水陸升煮取貳升去滓分溫三服小

便通即瘥

崔氏療妊娠體腫有水氣心腹急滿

茯苓

白朮

各肆兩

旋覆花

貳兩

杏仁

黃芩

各參兩

右細切以水柒升煮取貳升半分溫三服忌桃李

雀肉酢物

療妊娠遍身洪腫葶藶子散

葶藶子

壹兩

白朮

伍兩

茯苓

桑白皮

郁李仁

各貳兩

右為粗末水陸升煮取貳升分三服小便利即瘥

又方

澤瀉

葶藶

各貳兩

茯苓

枳殼

白朮

各陸兩



右細切以水陸升煮取貳升分溫兩服小便利即差

澤瀉散 治妊娠氣壅身體腹脇浮腫喘急大便不通小便赤澀宜服

澤瀉

木通

桑白皮

赤茯苓

枳殼

檳榔 各壹錢半

右作一服水貳鍾生薑五片煎至壹鍾食前服

防已湯 治妊娠脾虛通身浮腫心腹脹滿喘促小便不利

防已

壹錢半

桑白皮

赤茯苓

紫蘇莖葉

各貳錢

木香

半錢

作一服煎服法同前

千金鯉魚湯

治妊娠腹大胎間有水氣

白朮

伍兩

茯苓

肆兩

當歸

芍藥

各參兩

右細剉片以鯉魚壹尾修事如食法煮取汁去魚不用每服肆錢入魚汁壹盞半生薑柒片橘皮少許煎至柒分去滓空心服集驗同

腎著湯 治妊娠腰脚腫

茯苓

白朮

各肆兩

乾薑



甘草 各貳兩

杏仁 叁兩

右吹咀每服肆錢水壹盞半煎至柒分食前服

指迷五皮散 治胎水尋常脾虛腫滿亦治

大腹皮

桑白皮

生薑皮

茯苓皮

橘皮 各等分

右吹咀每服半兩水貳盞濃磨木香水壹呷同煎

至捌分去滓空心溫服亦治男子脾虛腫滿

治妊娠兩脚浮腫名曰脆脚因脾衰不能制水血化

成水所致用生料平胃散薑棗水煎服或為末紫蘇

葉煎湯調下

全生白朮散

治妊娠面目虛浮如水腫狀

白朮 壹兩

生薑皮

大腹皮

茯苓皮

陳皮 各半兩

右為細末每服貳錢米飲調下不拘時

子和治妊娠從脚上至腹腫小便不利微渴縮令伍

兩為末以熟水服方寸匕日三服

丹子腫多濕用山梔一撮米飲吞下



腹內鐘鳴

大治孕婦腹內鐘鳴用鼠窟前後土為細末研麝香酒調下貳錢其產婦立愈

補遺治孕婦腹中兒哭用川黃連濃煎汁令母常呷之

薛按產寶云小兒在腹中哭其治法亦用空房中鼠穴土或黃連煎濃汁飲之即止想即是證又云臍帶上疙瘩兒含口中因妊婦登高舉臂脫出兒口以此作聲令妊婦曲腰就地如拾物狀仍入兒口即止然黃連性寒麝香開竅當酌量用之

積聚

素黃帝問曰婦人重身毒之何如岐伯曰有故無殞亦無殞也帝曰願聞其故何謂也岐伯曰大積大聚其可犯也衰其大半而止過者死至真要論丹血塊如盤有孕難服峻劑此方主之

香附子

醋煮肆兩

桃仁

去皮尖壹兩

海粉

醋煮貳兩

白朮

壹兩

右為末麵糊丸服



孕癰

治孕癰立効

烏藥

研出洪州軟白香辣者良

右用伍錢水壹盞牛皮膠壹片同煎至柒分温服

補遺治孕中有癰 薏苡仁煮汁飲之

薛按孕癰卽是腹內患癰如前法不應宜用牡丹皮

散

或薏苡仁湯

方見外科內

傷食

大經云飲食自倍腸胃乃傷又云陰之所生本在五  
味陰之五宮傷在五味若妊子飲食不節生冷毒物  
恣性食噉致傷脾胃故妊娠傷食最難得藥唯此二  
方最穩捷木香丸白朮散薛東垣先生云脾胃之氣壯則  
過時而不饑多食而不傷蓋胃主司納脾主消化五  
臟之本也然食倍而傷者乃脾氣虛而不化也若投  
以峻劑則脾胃復傷而胎亦損矣當審其所因而調  
治之若飲食停滯或肚腹作痛用平胃散嘔吐惡心  
加枳殼砂仁吞酸變腐加黃連參分吳茱萸貳分腹



胎前 女科四  
滿泄瀉用六君子湯停滯肉食倍加山查停滯麵食  
倍加麥蘖停滯糯食用白酒麴末一味米食停滯倍  
加穀蘖魚腥所傷倍加陳皮傷辛熱之物加黃連傷  
性冷之物加砂仁木香如不應更加肉豆蔻補骨脂  
再不應四神丸若脾氣下陷用補中益氣湯凡噯  
覺藥氣且戒藥餌節飲食經云損其脾者調其飲食  
適其寒溫大凡脾胃虛弱飲食難化以白朮陳皮為  
末等分陳麴糊丸常服最善枳朮丸但可暫用枳實  
峻厲能耗真氣治者慎之 一妊娠因停食服枳朮  
丸胸腹不利飲食益少更服消導寬中之劑其胎下  
墜余謂此脾氣虛而不能承載也用補中益氣及六  
君子湯中氣漸健其胎漸安又用八珍湯加柴胡升  
麻調理而痊

木香丸 治婦人有孕傷食

木香 貳錢

三稜

人參

白茯苓 各叁錢

右為細末麴糊丸如菉豆大熟水吞叁肆拾丸

白朮散 治妊娠氣不調和飲食易傷

白朮 炒

乾紫蘇 各壹兩

人參

白芷 炒各柒錢半

川芎

訶子皮



青皮 各半兩 甘草 貳錢半

右為末每服貳錢水壹盞薑叁片煎至米分溫服

局方小七香丸 雜傷飲食 保氣散 坐月二方 治傷食良効

鄭氏勝金散 治妊婦因食傷胎傳於脾胃氣虛冷

逼小腹脹痛或響重六便秘

吳茱萸 酒浸 淨陳皮 川芎

乾薑 炮 生薑 切焙各壹錢半 炙甘草

厚朴 薑製各叁錢

細末每服叁錢陳米飲下入鹽煎尤妙濟生加砂

仁

中惡

大夫妊娠忽然心腹刺痛悶絕欲死者謂之中惡邪惡之氣中胎傷於人也所以然者血氣自養而為精神之主若血氣不和則精神衰弱故邪毒之氣得以中之妊娠之病亦致損胎也 薛前證當調補正氣

為善用金銀藤一味煎湯飲之

當歸散 治妊娠中惡心腹疔痛

當歸 丁香 川芎 各叁兩

青橘皮 貳兩 吳茱萸 半兩去梗湯泡叁次炒黑

右為細末無時溫酒調壹錢



又方 生乾地黄 壹兩 枳殼 木香 各半 為細末每

服壹錢酒調下

又方 苦梗 貳兩細剉 生薑 半兩 水煎服之

補遺 治妊娠中惡心腹絞急切痛如鬼擊之狀不

可按摩或吐血或衄血者用熟艾 如拳 煮汁頻服

又方 用鹽壹盞水貳盞調和服以冷水喫之吐出

即安

又方 竈心土為末每貳錢井水調服白湯調亦可

又法 取汗衣用男子點體久染汗者佳燒灰存性

百沸湯調服

### 中風

天論曰夫四時八方之氣為風也常以冬至之日候

之若從其鄉來者長養萬物若不從其鄉來者名為

虛邪賊害萬物人體虛則中之若風邪客於皮膚入

於經絡即頑痺不仁若入於筋脉挾寒則攣急喘僻

挾溫客弛縱若入臟腑則恍惚驚悸凡五臟俞皆在

背臟腑虛寒邪皆從俞而入隨所傷臟腑經絡而為

諸病妊娠中風若不早治則令墮胎也 薛按病機

機要云風本為熱熱勝則風動宜以靜勝其躁是亦

養血也治法須少汗亦宜少下多汗則虛其衛多下



胎前  
則損其榮雖有汗下之戒而有中臟中腑之分中腑者多著四肢則脉浮惡寒拘急不仁中臟者多著九竅則唇緩失音耳聾鼻塞目瞽便秘中腑者宜汗之中臟者宜下之表裏已和宜治在經當以大藥養之此中風之要法妊婦患之亦當以此施治而佐以安胎之藥

防風散 治妊娠中風卒倒心神悶亂口噤不能言

四肢急強

防風 去蘆

葛根

桑寄生 各壹兩

羚羊角屑

細辛 去苗

當歸 去蘆

甘菊花

漢防已 去皮

秦艽 去蘆

桂心

茯神 去木

甘草 炙各半兩

右為呔咀每服捌錢水壹中盞半生薑伍片煎至壹大盞去滓入竹瀝半合攪勻溫服無時

生犀角散 治妊娠卒中風不語四肢強直心神昏

憤

生犀角屑

麻黃 去節各壹兩

防風 去蘆

赤箭

羌活

當歸

人參 各去蘆

葛根

赤芍藥 各柒錢半

甘艸 炙

秦艽 各半兩

石膏 壹兩半



右為咬咀每服捌錢煎服法如前

防已散 治妊娠中風口眼喎斜手足頑痺

防已

去皮

羌活

防風

各去蘆

麻黃

去節

黃松木節

羚羊角

屑各壹兩

桂心

荆芥穗

薏苡仁

桑寄生

甘艸

炙各半兩

右咬咀每服五錢水壹中盞半生薑五片煎至壹大盞去滓溫服不拘時候

獨活散 治妊娠因洗頭中風身體強硬牙關緊急失音不語並皆治之

獨活

去蘆

赤箭

麻黃

去節

阿膠

各壹兩炒

烏犀角屑

羌活

去蘆

防風

去蘆

天蓼木

白附子

炮各半錢半

漢防已

去皮

桂心

芎藭

白僵蠶

微炒各半兩

龍腦

貳錢半細研

右為細末入研藥令勻每服貳錢薄荷湯調下不拘時

白僵蠶散

治妊娠中風口噤心膈痰涎壅滯言語

不得四肢強直

白僵蠶

炒

天麻

獨活

去蘆各壹兩



麻黃去節壹兩半 烏犀角屑半朱錢 白附子炮

半夏湯洗柒次薑製 天南星炮 藿香各半兩

龍腦貳錢半研

右為細末入研藥令勻每服壹錢生薑薄荷湯調下不拘時日三服

赤箭丸 治妊娠中風手足不隨筋脉緩急言語蹇澁皮膚不仁

赤箭 草薺酒浸 麻黃去節

獨活去蘆 鼠黏子 熟乾地黄

羚羊角屑各壹兩 阿膠炒 防風去蘆

芎藭 當歸炒去蘆 薏苡仁

五加皮 秦艽去蘆 漢防已去皮

栝子仁 酸棗仁炒 丹參去蘆各柒錢半

右為細末煉蜜和搗三五百下丸如梧子大每服參拾丸荳淋酒送下食前

白朮酒 治妊娠中風口噤語言不得

白朮壹兩半 獨活壹兩 黑豆壹合炒

右細剉以酒參升煎取壹升半去滓溫分四服口噤者拗口灌之得汗即愈

治妊娠因感外風如中風狀不省人事



熟艾參兩陳米醋炒令極熱以絹帛裹熨臍  
良久即省

風瘧

天妊娠體虛受風而傷太陽之經絡後復遇風寒相搏發則口噤背強名之曰瘧又云瘧其候胃悶不識人須臾自醒良久復作謂之風瘧一名子癇亦名子胃甚則反張薛前證若心肝風熱用釣藤湯胎動肝脾血虛加味道遙散經調肝脾鬱怒加味歸脾湯雜健氣逆痰滯紫蘇飲肝火風熱釣藤散眩暈脾鬱痰滯二陳薑汁竹瀝若兼證相雜當參照子煩門

羚羊角

銹

獨活

酸棗仁

炒



五加皮

薏苡仁炒

防風

當歸酒浸

川芎

茯苓去木

杏仁去皮尖  
各五分

木香

甘草炙各  
貳分

右薑水煎服

小品療妊娠忽悶眼不識人須臾醒復發亦有不醒者名爲瘧病亦名子癰亦名子冒宜葛根湯 若竹近可速辦者當先作瀝汁次辦湯也其竹遠不可即辦者當先辦湯此二療會得其一種竹瀝偏療諸瘧絕起死也非但偏療妊娠產婦絕死者有效小兒或癰瘧金瘡發瘧療之亦驗

葛根湯方 治妊娠臨月因發風瘧悶憤不識人吐

逆眩倒小醒復發名曰子癰

葛根

貝母去心

牡丹皮

木防已

防風

當歸

川芎

白茯苓

桂心熬

澤瀉

甘艸各貳兩

獨活

石膏碎

人參各參兩

右細切以水九升煮取參升分三服貝母令人易產若未臨月者以升麻代之忌海藻菘菜酢物 按此方犯桂與牡丹不如羚羊角散之妥



羌活酒 治妊娠中風瘓口噤四肢強直角弓反張

羌活

去蘆壹兩半

防風

去蘆壹兩

黑豆

壹合炒去皮

右二味為呔咀好酒五升浸壹宿每服用黑豆壹合炒令熟投入藥酒壹大盞候沸即住去滓分兩服灌之

丹治一婦人懷妊六月發癩手足揚直面紫黑色合眼涎出昏憤不醒人事半時而醒醫與震靈丹五十餘貼其疾時作時止無減證直至臨產方自愈產一女孳中子母皆安次年其夫疑丹毒必作求治之診其脉浮取弦重取濇按至骨則沉實帶數時正二月因未見其癩發正狀未敢與藥意其舊年癩發時乃五月欲待其時度此疾必作當審諦施治至五月半其疾果作皆是午巳兩時遂教以自製防風通聖散用生甘艸加桃仁多紅花少或服或吐至四五劑疾漸踈而輕後發為疥而愈



瘈瘲

瘈瘲者筋脉急而縮也瘲者筋脉緩而伸也一縮一伸手足相引搐搦不已大抵與嬰孩發搐相似謂之瘈瘲也此證多屬風蓋風主搖動駱龍吉云心主脉肝主筋心屬火肝屬木火主熱木主風風火相熾則為瘈瘲也治法若因風熱用釣藤湯加柴胡山梔黃芩白朮以平肝木降心火養氣血若風痰上涌加竹瀝南星半夏若風邪急搐加全蠍僵蠶虧損氣血用八珍湯加釣藤山梔為主若無力抽搐戴眼反折汗出如汗者肝絕也皆不治 一妊婦四肢不能伸服



祛風燥血之劑遺尿痰甚四肢抽搐余謂肝火血燥  
用八珍湯加炒黑黃芩為主佐以釣藤湯而安後因  
怒前證復作小便下血寒熱少寐飲食少思用釣藤  
散加山梔柴胡而血止用加味逍遙散寒熱退而得  
寐用六君子湯加芍藥釣藤鈎飲食進而漸  
釣藤湯見胎動不安  
釣藤散眩暈

眩暈

消風散 治妊娠肝臟熱毒上攻太陽穴胸膈涎壅

頭旋目暈或腮項腫核

石膏煨

防風去蘆

川羌活去蘆

甘菊花去枝梗

川芎

羚羊角銜

當歸酒浸去蘆

大豆黃卷炒

荆芥穗

白芷各壹錢

炙甘艸半錢

右作一服水貳鍾好芽茶半錢煎至壹鍾食遠服  
犀角散 治妊娠婦人諸風熱困倦時發昏眩

犀角

棟參

山梔仁



川羌活

黃連

青黛

川芎

吳白芷

茯苓

甘艸炙各壹錢

右作一服水貳鍾生薑參片竹葉柴葉煎至壹鍾

食遠服

驚悸

吳承妻孕而驚遂病悸醫以為病在中神越焉無可為沈宗常以為膽傷耳俾服抱膽丸而愈

大聖散 治妊娠怔悸睡裏多驚腹脇膨脹坐卧不

寧

白茯苓去皮

麥門冬去心

黃芪去蘆蜜炙

當歸去蘆酒浸

川芎各壹錢半

木香不見火

人參

甘草炙各壹錢

右作一服水二鍾生薑伍片煎至壹鍾服無時

抱膽丸雜病類



瘖

大全孕婦不語非病也間有如此者不須服藥臨產月但服保生丸四物湯之類產下便語得亦自然之理非藥之功也醫家不說與人臨月則與尋常之藥產後能語則以為醫之功豈其功也哉 黃帝問曰人有重身九月而瘖此為何也岐伯對曰胞之絡脉絕也帝曰何以言之岐伯曰胞絡者繫於腎少陰之脉貫腎繫舌本故不能言帝曰治之奈何岐伯曰無治也當十月復 郝翁治驗見前候胎條

煩 口乾附

大全妊娠苦煩悶者以四月受少陰君火氣以養精六月受少陽相火氣以養氣若母心驚膽寒多有煩悶名曰子煩也產寶云夫妊娠而子煩者是肺臟虛而熱乘於心則令心煩也停痰積飲在心胸之間或衝於心亦令煩也若熱而煩者但熱而已若有痰飲而煩者嘔吐涎沫惡聞食氣煩躁不安也大凡妊娠之人既停痰積飲又寒熱相搏氣鬱不舒或煩躁或嘔吐涎沫劇則胎動不安均謂子煩也 薛前證若因內熱用竹葉湯氣滯用紫蘇飲痰滯用二陳白朮



胎前  
黃芩枳殼氣鬱用分氣飲加川芎脾胃虛弱用六君  
紫蘇山梔 一妊婦煩熱吐痰惡食惡心頭暈此脾  
虛風痰為患用半夏白朮天麻湯維眩暈以補元氣祛  
風邪漸愈惟頭暈未痊乃用補中益氣湯加蔓荊子  
以升補陽氣而愈

竹葉湯 治妊娠心驚膽怯終日煩悶名曰子煩

白茯苓 叁錢 防風 麥門冬 去心

黃芩 各貳錢

右作一服水貳鍾竹葉五片煎至壹鍾無時服

竹瀝湯出外臺秘要與前竹葉湯同內有竹瀝壹合

無竹葉 又方有知母無黃芩

竹茹湯 療妊娠煩躁或胎不安

用淡青竹刮茹 壹兩 以水壹大升煮取肆合徐徐

服盡為度

知母飲 治妊娠心脾壅熱咽膈渴苦煩悶多驚

知母 麥門冬 去心 赤茯苓 各壹錢半

黃芩 黃芪 各貳錢 甘草 壹錢

右作一服水貳鍾入桑白皮半錢煎至壹醞再入

竹瀝些少同煎二三沸服無時

麥門冬湯 治妊娠心驚膽怯煩悶名曰子煩



麥門冬

去心

白茯苓

防風

各參錢

人參

壹錢半

右作一服水貳鍾生薑伍片淡竹葉拾葉煎至壹鍾去滓不拘時服

麥門冬散

治妊娠心煩憤悶虛躁吐逆惡聞食氣

頭眩四肢沉重百節疼痛多卧少起

麥門冬

去心

子苓

赤茯苓

各壹兩

茯苓

赤芍藥

陳皮

人參

苦梗

桑寄生

甘草

旋復花

各半兩

生地黄

柒錢半

右為粗末每服肆錢水壹盞薑壹錢煎至柒分不拘時溫服

又方

麥門冬

苧根

各參兩

黃芩

茯苓

各壹兩

甘艸

炙

犀角屑

各半兩

右咬咀每服肆錢水壹盞生地黄壹分淡竹葉伍片煎至陸分去滓溫服効

柴胡散

治妊娠心煩頭目昏重心胸煩悶不思飲食

柴胡

壹兩半

赤茯苓

麥門冬

各壹兩



枇杷葉

五毛

人參

橘紅

甘草

各半兩

咬咀每服肆錢水壹盞薑參片煎至米分服

人參散 治妊娠熱氣乘於心脾津液枯少煩躁壅

熱乾渴

人參

麥門冬

赤茯苓

地骨皮

家乾葛

黃芩

犀角屑

各柒錢半

甘草

右咬咀每服參錢水壹盞煎至陸分去滓溫服

治妊娠心煩熱不止

葱白

壹握

豉

貳合

右以水貳大盞煎至壹錢半去滓溫分三服

一母丸 治妊娠因服藥致胎氣不安有似虛煩不

得卧巢氏謂之子煩也

出產乳

知母

貳兩洗焙

右為細末以棗肉為丸如彈子大每服壹丸煎人

參湯送下 醫者不識此證作虛煩治之損動胎

氣宜矣

**煩躁口乾**

夫足太陰脾之經也其氣通於口手少陰心之經其氣通於舌若妊娠之人臟腑氣虛榮衛不



理陰陽隔絕熱乘於心脾津液枯少故令心煩而口

乾也 薛前證若胃經實火用竹葉石膏湯若胃經

虛熱用人參黃芪散若胃經氣虛用補中益氣湯若

肺經虛熱用紫蘇飲若肝經火動用加味道遙散若

脾氣鬱結用加味歸脾湯若腎經火動加味地黃丸

一妊婦煩熱兼咽間作痛用知母散加山梔以清

肺經而愈後內熱咳嗽小便自遺用補中益氣加麥

門山梔以補肺氣滋腎水而痊

升麻散 治妊娠壅熱心神煩躁口乾渴逆

川升麻

瓜蒌根

黃芩

人參

麥門冬

柴胡

梔子仁

犀角屑

茯苓

知母

甘草

各半

右作一服水貳鍾煎至壹鍾不拘時服

知母散 治妊娠煩燥悶亂口乾及胎臟熱

知母

麥門冬

甘艸

黃芪

子芩

赤茯苓

各半

右咬咀每服肆錢水壹盞煎至米分去滓入竹瀝

壹合更煎三二沸溫服

葛根散 治婦人妊娠數月胸膈煩躁唇口乾渴身

熱少食



家葛根

野者不用

黃芩

人參

萎蕤

黃芪

麥門冬

甘草

等分

右每服肆錢水壹盞竹茹壹團如錢大煎七分溫服無時

人參黃芪散

治妊娠身熱煩躁口乾食少

人參

黃芪

家葛根

麥門冬

赤茯苓

秦艸

各壹兩

知母

柴錢半

甘艸

半兩

每服肆錢薑水竹葉煎服

補遺人參白朮散

黃耆六一湯皆良

子頰口乾不得卧用黃連

去鬚細末每服壹錢

粥飲調下

吐血衄血咳唾血

大妊娠吐血者皆由臟腑有傷凡憂思驚怒皆傷臟腑氣逆於上血隨而溢心悶胸滿久而不已心悶甚者死妊娠病此多墮胎也薛前證若肝經怒火先用小柴胡山梔生地次用前藥合四物後用加味道

遙散

經調

用經風熱防風子芩丸

胎漏下血

心經有熱朱砂

安神丸

雜虛煩

心氣不足補心湯

驚悸

思慮傷心妙香散

上全胃經有火犀角地黃湯

吐血

膏梁積熱加味清胃

散

齒

鬱結傷脾加味歸脾湯

健忘

肺經有火黃芩清肺

飲

闕林

因氣鬱滯紫蘇飲

胎上通心

子氣不攝血用補中益



雜病 虛勞

易腎經虛火加味六味丸  
分散 治男子婦人血妄流溢吐血衄血嘔

血咯血

熟乾地黄

小薊 并根用

人參

蒲黃 微炒

當歸 去蘆

芎藭

烏梅肉 各壹兩

右件藥搗羅為麤散每服五錢水壹盞半煎至柒分去滓溫服不拘時

治吐血不止

馬氣勃用生布擦為末濃米飲調下

治鼻衄以白茅花濃煎汁服

鮮痰 唾血

心妊孕寒熱往來咳嗽血痰或嘔吐不食無力或喘滿乳脊相應痛或口中唾如霜雪出語無聲或耳鳴或痰涎日夜數碗誤用熱藥之故也刺 風門 臆

戶 各伍分 支溝 各伍分 間使 各伍分

如寒熱未解百節痠癢昏憤再取 絕骨 伍分 太溪

參分

如脉氣未平瀉 太淵 太白 各貳分 熱府

已上穴實瀉虛補治產前病立効此病安後半年必有一變四肢消瘦單腹腫脹即取陰交一穴去



其惡物也

形市  
女科四

百三九

欬嗽

天全夫肺內主氣外司皮毛皮毛不密寒邪乘之則  
欬嗽秋則肺受之冬則腎受之春則肝受之夏則心  
受之其嗽不已則傳於腑妊娠病久不已則傷胎也

薛前證若秋間風邪傷肺用金沸草散雜欬夏間

火邪尅金用人參平肺散雜喘冬間寒邪傷肺用人

參敗毒散雜傷春間風邪傷肺用參蘇飲雜發熱若脾

肺氣虛用六君芎歸桔梗若血虛四物桑白皮杏仁

桔梗腎火上炎用六味丸雜虛勞加五味子煎服脾胃

氣虛風寒所傷用補中益氣雜勞倦加桑皮杏仁桔梗

治前咳嗽

女科四

百三九



蓋肺屬辛金生於巳土嗽久不愈者多因脾土虛而不能生肺氣而腠理不密以致外邪復感或因肺氣虛不能生水以致陰火上炎所致治法當壯土金生腎水為善 一妊娠氣喘痰甚諸藥不効素有帶下始於日下浮兩月餘其面亦然此氣虛而有痰飲也用六味丸料數劑而愈 一妊婦嗽則便自出此肺氣不足腎氣虧損不能司攝用補中益氣湯以培土金六味丸加五味以生腎氣而愈 一妊婦咳嗽其痰上湧日五六碗許諸藥不應予以為此水汎為痰用六味丸料及四君子湯各一劑稍愈數劑而安

一妊婦因怒咳嗽吐痰兩脇作痛此肝火傷肺金以小柴胡湯加山梔枳殼白朮茯苓治之而愈但欲作嘔此肝侮脾也用六君子加升麻柴胡而痊  
欵冬花散 治妊娠心膈痰毒壅滯肺氣不順咳嗽頭疼

欵冬花

麻黃

貝母煨

前胡

桑白皮

紫苑各半兩

旋復花

白朮

甘艸各貳錢半

石膏壹兩

右咳嗽每服肆錢水壹盞薑參片煎至柒分去滓



溫服

苦梗散 治妊娠肺壅咳嗽喘急

桔梗

紫蘇

人參

桑白皮

貝母

甘草

天門冬

赤茯苓

麻黃

每服肆錢水貳鍾生薑參片煎至壹鍾不拘時服

馬兜鈴散

治妊娠胎氣壅滯咳嗽喘急

馬兜鈴

桔梗

人參

甘草

貝母

陳皮

大腹子

桑白皮

紫蘇

五味子

右以咀每服肆錢薑參片水煎

麻黃散

治妊娠外傷風冷痰逆咳嗽不食

麻黃

陳皮

前胡

半夏

人參

白朮

枳殼

貝母

甘艸

以咀每服肆錢葱白五寸薑參片棗壹枚水煎服

百合散

治妊娠風壅咳嗽痰多喘滿

百合

紫苑茸

白芍藥



赤茯苓 去皮 桔梗 炒 前胡 各去蘆

貝母 去心各壹錢半 甘草 伍分

作一服水貳鍾薑伍片煎至壹鍾不拘時服

紫苑湯 治妊娠咳嗽不止胎不安

紫苑 壹兩 桔梗 半兩 甘草

杏仁 桑白皮 各貳錢半 天門冬 壹兩

右吹咀每服叁錢竹茹壹團水煎去滓入蜜半匙

再煎一兩沸溫服

司方華蓋散治妊娠咳嗽不止穩重有效 見雜病咳嗽

喘

呂滄洲治經歷哈散侍人病喘不得卧衆作肺氣受風邪治之呂診之氣口盛于人迎一倍厥陰弦動而疾兩尺俱短而離經因告之曰病蓋得之毒藥動血以致胎死不一奔迫而上衝非風寒作喘也乃用催生湯加芎歸煮二三升服之夜半果下一死胎喘即止哈散密囑曰病妾誠有懷以室人見嫉故藥去之衆所不知也衆慚而去

平安散 治妊娠上氣喘急大便不通嘔吐不食腹脇脹痛



胎前  
婦科四  
百三

川芎

木香 各壹錢半

陳皮

熟地黃 洗

乾薑 炮

生薑

厚朴 去粗皮製炒

甘草 各壹錢

右作一服水貳鍾入燒鹽壹捻煎至壹鍾不拘時服

桔梗湯

馬兜鈴散 並見前咳嗽條



